

滿洲名臣傳

冊四上

庫文閣內			
三八函	二二〇五	漢	書
一四	冊	號	類

庫文閣內			
五〇	二二	漢	

內閣文庫			
番號	漢	2300	
冊數	160 (67)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



滿洲名臣傳

滿洲名臣傳卷三十四

額赫納

張德地

馬之先

李林盛

張仲舉

張特

遺圖

楊琳

張問政

喇成龍

穆和倫

許嗣興

王來用

哲爾肯

王安國

年遐齡

音德

金世德

屈盡美

額赫納列傳

額赫納滿洲相藍旗人姓納喇氏世居葉赫

祖蘇巴海

滿洲名臣傳卷三十四

國初來歸父渥和訥任世管佐領額赫納襲職任護衛尋遷護軍叅領順治十四年隨寧南靖寇將軍貝子洛託征雲南康熙元年隨靖東將軍濟席哈勦平山東棲霞縣土寇于七十一年擢廂監旗蒙古副都統尋駐防山東兗州十四年九月以逆藩吳三桂耿精忠叛賊黨分犯江西命簡親王喇布為揚威大將軍由江寧移鎮江西

詔額赫納叅贊軍務十五年正月麻姑山賊王永召等犯江西省城額赫納同副都統席布敗之先是叛鎮馬雄勾滇賊王宏勳擾廣東上命簡親王於副都統額赫納巴爾堪內擇一為將軍統兵援廣東王請以額赫納往命倍道速進未至而平南王尚可喜病其子之信以韶州南雄叛應賊連閩粵諸寇謀犯贛州額赫納退守南贛賊屯蓮塘口額赫納



率頭隊敗賊衆斬偽將黃輝陳可相等遂進
兵芝坪敗偽總兵吳漢興焚賊營二十餘十
月廣東提督嚴自明叛犯南康縣進圍信豐
額赫納同副都統穆成格迎擊之因鎮舖擒
斬萬餘自明走南安信豐圍解十六年三月
上命副都統莽依圖爲鎮南將軍赴粵以額
赫納叅贊軍務大兵抵韶州之信率官民歸
正自明亦獻南安降十月三桂僞將馬寶王
錦等營韶州城東山梗我運道額赫納同江

寧將軍額楚分勦大敗之莽依圖以廣西巡
撫傅宏烈兵單疏請令額赫納赴梧州協勦
得

吉額赫納速赴梧州卽與傅宏烈同定廣西
十七年四月調順藍旂滿洲副都統時廣東
總兵祖澤清據高州叛

命額赫納回勦之次電白賊悉精銳據守額
赫納連破其營斬僞總兵江瓊等賊四千餘
追二十餘里圍其城賊黨王得功降遂進攻

高州澤清已挈家遁高州平時賊首吳世琮
北南寧十八年五月額赫納至貴縣會莽依
圖兵由橫州直抵南寧敗賊於新村世琮中
流矢以二十騎遁奉

詔速勦餘黨乘勝進取雲南十二月調廂藍
旂護軍統領十九年五月隨莽依圖進勦柳
州至貴州之陶登遇偽將軍范齊韓馬承烈
等由武宣迎敵額赫納同都統勒貝希福分
路擊斬無算二十年正月偽將軍何繼祖擁

家屯安籠所拒我師額赫納率前隊進勦大
將軍賴塔繼之大敗賊衆復安籠所二月次
黃草坦偽將軍王有功張光先等屯曲靖府
羅平州界額赫納同希福擊走之奪賊營二
十二擒斬甚衆大軍尋平雲貴額赫納隨將
軍班師二十三年調廂藍旂前鋒統領二十
四年擢廂藍滿洲都統尋授議政大臣二十
九年三月噶爾丹侵喀爾喀犯汎界
止命額赫納同侍郎溫達等由歸化城分路

偵禦會噶爾丹爲裕親王福全敗遁八月額
赫納撤兵還三十五年以老乞休

允之四十四年卒

賜祭葬如例

張德地列傳

張德地漢軍廂蓋族人原名劉格康熙七年
奏改今名初以通曉

國書在戶部學習順治九年授宗人府主事
遷政心郎十五年遷太常寺少卿十七年遷

太常寺卿十八年遷戶部督捕理事官康熙
元年擢順天府尹二年授四川巡撫五年疏
言夔州爲水陸通衢請於雲陽巫山等處各
設水站從之七年疏言四川自張獻忠亂後
民少地荒請不拘省分凡無恒產傭工遊食
之人地方官查報即酌給盤費招徠安置文
武官量予激勸招民百人以上墾田十頃以
上者分別紀敘陞轉則爭先招墾川省可奠
富庶下部議行八月以捐賑修城議敘加工

部侍郎銜九年五月以捐貲招四川民六百七十四戶安置得所議敘加工部尚書銜八月疏言康熙六年奉旨裁各省道廳以汰冗員但蜀居天末幅員遼濶擇其最要者悉復四員以資管轄諭曰據張德地奏稱沿邊番夷苗獠雜處道員必不可裁其各省亦曾題請存留道員或有裨益於邊地著議政王大臣九卿科道議奏尋議如所請行十年四月武生劉瑄等訐

德地於康熙八年武闈賄賣武舉

命副都御史阿範等往審以德地科場作弊擬斬援

赦免死革職永不敘用十二年七月德地叩

闕稱寬

詔下部另議尋議德地科場受賄無實據前議太過應復職十三年二月復授四川巡撫時逆藩吳三桂叛七月偽總兵彭時亨等率衆三千餘犯廣元德地偕四川總督周有德

清州名臣傳

卷五十四

六

親禦之十一月陝西總督哈占以蜀中水陸
阻賊糧運難繼入奏

命德地同大將軍董額撤保寧兵回廣元廣
元兵回漢中守陽平等處勦除寧羌諸賊十
四年逆鎮王輔臣叛蘭州陷
命董額等進勦留德地協守西安等處尋與
安兵變又

命德地赴延安固守遇賊衝十七年正月兵
部追敘廣元勦賊功

論曰周有德張德地等前任廣元時將供應
大兵糧米不能運送接濟伊等徒然坐食糜
費不過擊退來犯之賊並無大創功績又接
駐大兵後並無効力之處着大將軍圖海叅
贊各官會同嚴議密奏先是廣元之役周有
德劾奏德地棄城敗遁請革職

命大將軍圖海質鞫定擬具奏至是德地以
平逆要畧三事陳奏得

旨張德地廣元敗遁貽悞地方及令守延安

乃行推諉今又自行巧卸虛誑妄奏殊爲可惡着吏部嚴察議奏部議革職提拏嚴審得旨張德地着革職免其提拏二十二年楚民胡朝勳許世杰等以德地局霸部民爲僕勒寫身契控部經部訊德地巡撫四川時借招民爲由將胡朝勳等招到四川卽以所給路費作身價發知府冀應熊勒寫文契藩司劉顯費用印屬寔應議罪因事在赦前得

旨依議尋卒

馬之先列傳

馬之先遼東金州衛人隸漢軍廂藍旂由生員任昌平州知州順治二年遷山西太原府知府三年遷河東道四年授湖廣按察使七年三月遷布政使七月擢陝西巡撫時積寇王才據終南山肆劫之先旣抵任遣遊擊陳明順等由于午鎮進勦賊退走高関峪追擊敗之又敗之化羊峪擒才斬獲無算會河南

清史稿卷一百一十四
賊何柴山潰走陝西入土賊程福亮營之先
招降福亮擒柴山又勦賊孫守金唐珍玉等
餘寇悉平十一年五月湖廣賊渠劉二虎郝
搖旂等劫陝西麥之先偕漢興總兵趙光瑞
調兵三路迎擊賊敗入竹山據小廣峪舉我
兵合圍奮勦覆其巢陣斬偽總兵傅奇十月
遷宣大總督題改陽和府仍爲陽和衛修大
同府城如制十三年五月疏言大同民貿易
專用錢故徵糧銀錢兼收成規已久若遵部

文畫徵銀于民不便請前徵錢配兵餉部議
從之尋調川陝總督

命加兵部尙書銜六月

陞見

賜冠服鞍馬

諭曰爾以素望堪任斯職故行特簡爾受事
後務寔心供職興利除害陝西乃天下咽喉
要地爾須較前任總督王喬芳倍加勤慎方
克有濟毋使天下謂朕不知人也九月疏報

清史稿卷一百一十四

九

流賊張獻忠餘党冉秉乾等投誠請照例安置

報聞十四年卒

諭曰馬之先久歷岩疆勞瘁殞身深可憫惻應得卹典著察例具奏尋

賜祭葬如例諡勤僖

李林盛列傳

李林盛漢軍正黃旗人父向舜以署佐領從豫親王多鐸南征督炮攻武岡寨克其城及

攻揚州中炮歿于陣贈雲騎尉順治三年林盛襲父職七年

恩詔加授騎都尉十五年隨信郡王多尼征雲南康熙元年授佐領十一年遷叅領十八年擢山東登州總兵二十一年以舉首劣員郭盛春胡鼎通同行賄得

旨嘉獎下部議敘加一級二十三年擢廣西提督三十六年

諭獎其和輯兵民安靜謹守三十七年五月

調陝西固原提督十一月

陛見

賜戴孔雀翎加右都督銜尋

諭大學士等曰李林盛居官甚優前者陛見

所奏絕無隱諱廣西武弁賢否皆從公敷陳

其言朕皆書而誌之矣三十八年七月

御書明信敦義額

賜之八月因湖南賊黃明等盤據廣西年久

失於覺察奉

旨降二級戴罪圖功四十年

諭曰頃聞甘肅提督雷繼尊病故彼雖到任

不久居官不下於孫思克今甘肅地方緊要

固原提督李林盛雖已年邁其人材亦與孫

思克等着調補甘肅提督四十三年以病免

四十七年

特授廂紅旂漢軍都統二十二年以老乞罷

得

旨卿才品優長簡任都統正資料理覽奏求

罷情辭懇切著以原官致仕五十三年卒
賜祭葬如例

張仲舉列傳

張仲舉漢軍廂紅旂人由筆帖式任通政司
知事康熙十六年正月奉

旨揀發福建署泉州府知府三月海賊張七
糾衆數千夜犯新西北三門奸民啟之入仲
舉率家丁同副將馮昭京等大敗賊生擒張
七八月山寇朱寅結海逆鄭錦偽將監李復

貴等犯南安仲舉隨副都統楊鳳翔提督段
應舉勦殲賊衆生擒寅復賁及偽軍師林日
向等十月總督卽廷相請卽以仲舉補授泉
州府知府

允之十七年正月康親王傑書令仲舉等往
諭鄭錦降錦不從且遣偽總督劉國軒爲提
督吳長淑何佑等陷海澄圍泉州仲舉親冒
矢石出家資鑄械犒軍晝夜嬰城固守兩月
餘會大軍克興化漳州寧海將軍喇哈達率

兵抵安溪賊始解圍去十月巡撫吳興祚表
上守城功擢興泉道十八年錦遣偽右武將
軍林盛據東石康親王檄仲舉取城船從水
路會勦大軍遂復東石十九年江西按察使
缺員九卿會推左通政張可全大理寺少卿
張永祺合詞保仲舉畫題時御史唐朝彛曰
我閩人也知仲舉爲官平常不應保九卿因
劾朝彛不早言
詔宥之二十年仲舉隨興祚復廈門金門尋

遷山東按察使二十三年遷湖南布政使二
十五年三月入

覲奏言宋儒周敦頤程顥程頤程戴邵雍朱
熹各有專祠懇乞
賜額得

旨前哲有功聖學允宜表彰

御書學達性天額

頒發各祠及白鹿洞嶽麓兩書院四月擢福
建巡撫二十六年疏言台灣設府縣學應考

清江各目傳 卷三十四
三
人數無多未便照內地額請府學量設廩增
各二十名縣學各十名俟人才漸盛補照直
省額廩生出貢自康熙二十七年始照例舉
行部議從之二十七年二月疏言漳州所屬
龍岩與漳平界連向因龍岩地廣將田百二
十餘頃撥隸漳平其糧轉付龍岩民戶代納
官民交累請即歸漳平徵收九月又言台灣
十營兵米每年約三萬六千石現存粟僅支
五月旱蝗爲災乏食可慮請酌撥司帑三萬

兩就產米處所買貯備給候部文動帑寔恐
遲誤謹先發司帑一萬採買其二萬俟交到
日再撥俱下部議行二十八年三月疏言民
間例禁私藏鳥鎗但航海商船防護不可無
資請視船大小酌帶六桿四桿再台灣番民
資生納餉均藉捕鹿有用竹弓箭及鳥鎗者
應請免繳仍禁增製又言台灣所用明桂王
偽號錢甚多若一時全禁貧民無以爲資請
開爐鼓鑄收買偽錢銷燬部議均如所請六

清洲各目傳 卷三十四
月疏言番民以捕鹿資生前因東洋興販禁
兵民捕鹿惟番民得捕藉向社商等易布及
米鹽社商按季納餉今既停興販前禁頓弛
兵民持械四出鹿靡孑遺不但番民之日用
無資且彼此攘奪易致滋擾請仍禁止
詔下部議以興販既停鹿皮將售何處恐地
方官借以自利令總督興永朝確查永朝覆
奏番民捕鹿資生納課隨處皆可轉售有司
寔因社餉起見並非圖利請如仲舉議

允之九月疏言福清縣三面臨海民皆其海
爲田自海寇不靖民窳堤壞沃產化爲海國
前縣冊報時未經聲明荒陌無徵確數今逐
畝清丈計缺額糧銀九千九百九十餘兩米
三百四十石有奇復業之民慮缺額未豁不
敢來歸良田盡成荆棘請將無田之糧豁免
又沿海各州縣田多未墾保無隱匿查康熙
五年閩省清丈田畝止及界內應將界外補
行清丈

詔下部議以福清墾地三千六百六十餘頃
已于康熙二十六年起科並未題報缺額今
請豁免亦應令永朝確查其界外內應否清
丈並請詳議嗣永朝奏此項荒田寔因前令
鄧猷英將荒陷田畝統報墾數及額外賦無
徵始報明寔無欺隱邀豁等弊其沿海界外
田自遷棄以來閱年既久界址混淆亦應如
仲舉議清丈得
旨允行二十九年正月疏言宋儒朱熹祖籍

徽州府之婺源熹父松官闈遂家焉故有闈
徽二派今熹十八世嫡孫滌顯請承襲查明
代原有五經博士二員分主祀事請卽令滌
承襲主闈派祀下所司議行先是安漢革職
知縣孫鏞赴部首告仲舉及布政司張永茂
等侵蝕庫帑六月
遣吏部郎中吳爾泰同興永朝勘訊既而
上聞吳爾泰甫至卽逮訊知府及州縣官數
十員名

論曰吳爾泰乃一司官將此事妄為張大亦未可定著內閣學士郭士隆前往詳訊尋訊得仲舉與前布政使張沂索州縣賦册竄改撤銷賞解批廻重造司册侵隱已徵地丁額銀捏作民欠沂遷湖廣巡撫虧帑三十餘萬因仲舉前任湖南布政使時亦虧帑相約互抵仲舉勒道府具借帑印領給按察使田慶曾令出結署事及永茂受代仲舉聞沂在湖廣以賍敗闕帑尙未補復截留府州縣頭

支官俸役食令慶曾給永茂又令永茂加取各屬賫解銀火耗代為彌補仲舉共侵挪銀二十六萬三千餘兩依律擬斬監候尋病故

根特列傳

根特滿洲正黃旗人姓納喇氏父達雅里國初來歸以軍功授騎都尉遞加一等輕車都尉卒以其孫達漢泰襲根特初以閒散隨貝勒阿巴泰征明至山東攻泗水縣先登還攻定州先登敘功授騎都尉兼一雲騎尉世

職並

賜巴圖魯號尋晉三等輕車都尉順治元年授刑部理事官五年三月隨征南大將軍譚泰征叛鎮金聲桓於江西七月大兵薄南昌圍之未下根特由城南繼蒙古兵登城拔之聲桓中二矢死生擒其黨王得仁江西平師還擢副都統兼管佐領七年九月兩遇恩詔晉世職爲一等輕車都尉康熙十二年十一月逆藩吳三桂叛十三年正月

命都統尼雅翰爲鎮南將軍與兗州副都統

瑪哈達同赴安慶根特代駐兗州二月

上以江西界福建廣東湖南爲三省要地

命根特偕副都統席布率兵速赴南昌三月

江西巡撫董衛國疏報湖南長沙失守江西

袁州吉安二府與接壤請撥兵駐防得

旨著根特率現駐南昌兵往相機勦禦尋

命內大臣希爾根爲定南將軍帥師赴江西

根特叅贊軍務四月平南王尙可喜疏言吳

逆遣賊二萬屯黃沙河叛鎮孫延齡欲與合
請就近撥兵會勦孫逆以分賊勢

諭曰根特候希爾根等兵至江西即率所部
官兵速赴廣東是月授平寇將軍會逆藩耿
精忠叛於福建

詔根特由廣東仍返江西六月衛國疏報叛
弁柯昇勾閩賊竊據廣信諸處

詔根特先定廣信再偕前鋒統領舒恕由袁
州進取長沙七月兩廣總督金光祖疏報廣

信梧州失守

諭曰根特等率兵由袁州取長沙進廣西以
襲賊後則取道廣東必致遲久其與平南王
尚可喜總督金光祖提督馬雄會同酌議添
撥官兵規取橫州否則固守梧州諸處相機
勦禦八月卒于軍二十二年
賜祭葬如例子智宏襲世職

邁圖列傳

邁圖滿洲正白旗人姓佟佳氏父烏進世居

清史稿卷三百一十四

七

哈達

國初來歸任典儀邁圖初任二等侍衛順治五年從征山東破賊首蔣靜剛于鋸齒牙山岩十五年隨信郡王多尼征明桂王朱由榔至貴州連破其將李成蛟于涼水井李定國于雙河口定國走魯噶立寨拒復擊破之康熙十三年逆藩耿精忠叛邁圖隨康親王傑書征之授營總兵十四年太軍自仙居趨黃岩至半山嶺偽都督劉秉仁糾眾萬餘拒邁

圖偕副都統吉勒塔布等奮擊斬賊三千餘十五年克建陽縣關廂敗偽總兵王姓三千餘眾十六年正月海逆鄭錦偽總督趙得勝偽將軍何祐等擁眾四萬據興化子城西比太平山屯營二十六伏賊萬餘于白茅山爲援邁圖隨寧海將甯拉哈達先攻其伏賊敗追至太平山盡破其營斬得勝于陣復興化祐退踞泉州二月進擊拔之賊敗遁十七年隨平南將軍賚塔擊鄭逆偽將軍劉國軒吳

淑等於蜈蚣山拔其營七復長泰縣二十五年正月授正白旗蒙古副都統兼佐領五月敘功授雲騎尉二十九年六月署前鋒統領隨裕親王福全勦尼魯特噶爾丹於烏蘭布通陣歿部議給祭葬如例
特命加祭一次諡忠毅子瑪喇襲雲騎尉三十年追敘邁圖功加世職為二等輕車都尉

楊琳列傳

楊琳奉天鉄嶺衛人隸正紅旗漢軍康熙十

八年大軍征逆孽吳世璠琳以守備從征有功擢京營遊擊旋遷參將三十七年遷江南漕標副將三十八年擢雲南臨安鎮總兵四十六年授廂紅旂漢軍副都統五十年擢福建陸路提督尋

命署福建將軍五十四年授廣東巡撫五十五年三月疏言直隸各省俱有衛學額設獨廣東衛所未設請贖州等處八衛二所文武童生各取進二名餘三十六衛所各一名撥

入府學從之十月擢兩廣總督五十七年碣石鎮總兵陳昂以西洋有荷蘭西一族兇狠異常且與澳門一種同派熟悉廣省情形請令督撫閱差諸臣設法防備輪流貿易不許多船並集

上命琳詳察議奏琳疏言外國夷商利與中國貿易而懼服有素數十年相安應聽如常請於夷艇到後令沿海文武官弁晝夜防衛從之又言廣東沿海地方東界福建西界交

趾諸番羅列素稱險要請於沿海泊岸修築炮台城垣設汛地營坊分撥官兵以靖海洋又言兩廣米資湖南販米必由永州府經過奸民每借禁糶阻商不行請

敕湖南督撫查拏過糶奸民治罪又條陳巡緝廣惠潮三府沿海要地事宜一南澳爲閩粵交界宜分路巡查自南澳而西平海營而東爲東路自大鵬營而西廣海寨而東爲中路自春江協而西龍門協而東爲西路令各

總兵副將爲統巡標員管員爲分巡每年輪
班巡查一外洋戰船宜增撥巡哨請于澄海
協裁漕船六增趕繪大船二于大鵬營內撥
船二歸澄海協春江協增趕繪大船二碣
石協改造艍船二庶巡船不缺一內河哨船
宜酌量勻設請裁順德等營內河哨船十八
移設左翼鎮標左右二營及新安營一水師
要汛宜增兵守巡請於督撫將軍提鎮等標
二十營每營裁兵丁四新會營裁把總二臣

標右營裁把總一增入海門達濠兩營以備
守巡再海門營無額馬請裁達濠營馬移海
門營一濱海要地宜移駐文職潮州府饒平
縣屬之黃岡副將不便理民事請以潮州海
防同知移駐海陽縣屬之菴埠距縣遠以海
陽縣丞移駐一遠地協將宜屬鎮轄請以瓊
州水師副將歸瓊州總兵轄龍門水師副將
歸高州總兵轄諸疏俱下部議行五十八年
上以各省錢糧虧空多應設法清釐

命各督撫詳查議奏琳疏言州縣錢糧虧空
由于侵隱挪移二弊今惟責成知府調取州
縣流水比簿不時稽查隨收隨解毋存留縣
庫一遇徵多解少立即揭報數少押令補解
數多即行題叅虧空之弊可除部議從之又
疏言廣東沿海險要修造炮台城垣沃地百
二十六處營房千三百八十間撥守官兵三
千九百九十一名安炮位八百七請責成州
縣不時查閱一有損壞捐俸修整下部議行

五十九年兩廣巡鹽御史昌保疏請將鹽課
積欠交督撫兼管

上命琳兼兩廣鹽務六十年五月疏言廣西
太平府思明土知州黃而芸貪殘不法叅革
治罪請改土歸流所轄地方歸入太平府原
設吏目一員仍留司捕務七月疏請兩廣商
籍子弟照兩浙河東例歲科二試額進二十
名均下部議行雍正元年三月奉
旨入正黃旗四月疏言開平新會地方有盜

首張祖珠等糾眾掠開平之焦園村新會之
禮步村北審村已遣兵役捕獲查向例盜案
由州縣府司審解具題或經部駁覆每二三
年不結奸民得稽顙戮此案請于臣等審明
後即請

王命梟示再行具奏得

旨所奏甚是似此當行者一面奏聞一面即

可舉行七月疏陳稽察奸徒嚴禁海米完葺

成鄉事

天德



